

Риёзус солиҳийн шарҳи / Риёзус солиҳийн шарҳи / 356-ҳадис

356 - وَعَنْهُ قَالَ: كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَمَسُحُ مَنَاكِبَنَا فِي الصَّلَاةِ وَيَقُولُ: «اسْتَوْوا وَلَا تَخْتَلِفُوا، فَتَخْتَلِفَ قُلُوبُكُمْ، لِيَلِينِي مِنْكُمْ أَوْلُوا الْأَحْلَامَ وَالنَّهْيَ، ثُمَّ الَّذِينَ يَلُوتُهُمْ، ثُمَّ الَّذِينَ يَلُوتُهُمْ». رَوَاهُ مُسْلِمٌ. [432].

وَقَوْلُهُ صَلَّى اللَّهُ عَلَيْهِ وَسَلَّمَ: «لِيَلِينِي» هُوَ بِتَخْفِيفِ التُّونِ وَلَيْسَ قَبْلَهَا يَاءٌ، وَرُوي بِتَشْدِيدِ التُّونِ مَعَ يَاءٍ قَبْلَهَا. وَ«النَّهْيَ»: الْعُقُولُ: وَ«أَوْلُوا الْأَحْلَامَ»: هُمُ الْبَالِغُونَ، وَقِيلَ: أَهْلُ الْحِلْمِ وَالْفَضْلِ.

356. Яна у кишидан ривоят қилинади:

«Расулуллоҳ соллаллоҳу алайҳи васаллам намозда (қўллари билан) елкаларимизни тўғрилаб, **«Текисланинглар. Нотекис турманглар, қалбларингиз қарама-қарши бўлиб қолади. Менга эс-хушли ва ақллиларингиз, сўнг улардан кейингилар, сўнг улардан кейингилар яқин турсин»**, дер эдилар.

Имом Муслим ривояти.

Шарҳ: Ушбу ҳадиснинг давомида Абу Масъуд розияллоҳу анҳу: «Мана бугун сизлар эса қаттиқ ихтилофдасиз», деб айтганлар.

Абу Масъуд розияллоҳу анҳу бу гапда ўша пайтда авжига чиққан ихтилофларни назарда тутган бўлса-да, унинг маъноси умумийдир, яъни «Намоздаги сафларингиз дуруст бўлмай, паст-баланд бўлиб кетганидан қалбларингиз қарама-қарши бўлиб, ихтилофга шўнғиб кетдингиз», демоқда.

Манба: hadis.islom.uz



HADIS.ISLOM.UZ
NUBUVVAT MARVARIDLARI